

Saksprotokoll i fylkesutvalet – 24. og 25.02.2016

Onsdag 24.02.2016

Adm. dir. **Herlof Nilssen** frå Helse Vest RHF orienterte om satsingsområde, status for Helse Vest og sjukehusa på Vestlandet.

Ordførar i Bømlo **Odd Hovland** og adm. leiar **Gro Jensen** orienterte om Samarbeidsrådet for Sunnhordland - g, status og sysselsetjing.

Konserndirektør EPCI **Steinar Røgenes** frå Kværner Stord gav informasjon og status.

Torsdag 25.02.2016

I samband med behandling av PS 64/16 "Det regionale folkevalde nivå; -status for regionreforma og vidare oppfølging" oppmoda **Natalie Golis (MDG)** og **Stein Inge Ryssdal (H)** om at fylkestinget får orientering om prosessen og om kva som er gjort til no.

Mona Røsvik Strømme (H) gjorde merksam på at protokollmerknader er korte røysteforklarigar.

OPEN TIME

Silje Hjemdal (Frp) sette på vegner av Frp, H, V, MDG, SV, KrF, Sp og A fram slikt oversendingsforslag til fylkesordføraren:

"Fylkesutvalget oppfordrer fylkesordføreren til å legge opp til markering av kvinnedagen 8. mars i forbindelse med fylkestinget. Gjerne med et internasjonalt fokus i solidaritet med verdens kvinner som ikke har de samme rettighetene som kvinner i Norge. Markeringen kan gjerne også berøre utdanning som er viktig både i et fylkes-, nasjonalt og internasjonalt perspektiv."

Silje Hjemdal (Frp) stilte slikt spørsmål:

"Den ekstraordinære asyl- og flyktningsesituasjonen som Norge står ovenfor, innebærer at også Hordaland fylkeskommune (HFK) må ta sin del av ansvaret. Dette vil i hovedsak bety at HFK må gi forsvarlig opplæringstilbud innen videregående opplæring.

Mange kommuner i Hordaland har nå behandlet politiske saker om bosetting av flyktninger. Et eksempel er bl.a. Bergen kommune, som har vedtatt å bosette 160 enslige mindreårige i 2016 og 2017 250 stk. Dette er utenom ungdom i skolealder på ordinære og midlertidige asylmottak. Dette vil bety at svært mange av disse ungdommene kvalifiserer og har rett på videregående opplæring.

Hvordan vil HFK legge til rette og dimensjonere for dette på kort og lang sikt?

Kan fylkesrådmannen gi fylkesutvalget en skriftlig orientering til neste fylkesutvalg?"

Fylkesrådmannen vil komme tilbake med svar.

Silje Hjemdal (Frp) etterspurde status for "superbussen" etter oppgradering. Direktør Oddmund Sylta frå Skyss svarte at bussen no kan nyttast på vinterføre.

På spørsmål frå **Silje Hjemdal (Frp)** informerte fylkesordføraren om at gruppeleiarane har drøfta korleis oversendingsforslag skal behandlast til delegasjonsreglementet er revidert. Fylkestinget vil verte orientert. Inntil vidare vert praksis for behandling av oversendingsforslag i utvala slik:

- Det går fram av møteprotokollen kven som eventuelt er medforslagsstillarar til forslaget.

- Innhaldet i oversendingsforslaget vert ikkje realitetsbehandla, men det vert røysta over om forslaget skal oversendast til andre utval eller fylkesrådmannen. Røystetala går fram av møteprotokollen. Dersom det ikkje vert fleirtal for dette, vert forslaget ikkje oversendt.

Sveinung Valle (A) sette fram slikt forslag til uttale:

"Ta vare på kompetansearbeidsplassane ved Statoil!"

Fylkesutvalet i Hordaland er uroa over planane Statoil har om å flytte kompetansearbeidsplassar til lågkostland. Som eit ledd i ein naudsynt omstillingsprosess i Statoil planlegg selskapet no å flytte, i fyste omgang ca. 250, og på sikt så mange som 1700, norske arbeidsplassar ut av landet.

Konsekvensen er sjølvsgagt alvorleg for den einskilde arbeidstakar som står i fare for å miste arbeidsplassen sin, men også for samfunnet elles. Flyttar ein viktige arbeidsplassar innanfor HR, IT, finans og anskaffelsar ut av landet, vil ein og effektivt stoppe nyrekruttering i Noreg. Samstundes vil dette gje tapte ringverknader for samfunnet vårt: Lokale bedrifter i lågkostland vil sjølvsgagt ha større kjennskap til sin eigen leverandørindustri, med forventningar om å velje dei framfor norske leverandørar.

Fylkesutvalet ser positivt på at Statoil, saman med dei tilsette, ser på moglegheiter for å effektivisere og omstrukturere seg.

Fylkesutvalet ser alvorleg på ei utflytting av viktige arbeidsplassar, med tap av kompetanse, ringverknader og ei fragmentering av fagmiljø i eit selskap med viktige samfunnsoppdrag.

Fylkesutvalet ser det som sær uheldig om ein no vedtek å gjennomføra ei slik utflytting i lys av det ovannemnde. Ut frå totalsituasjonen som petroleumsverksemda er inne i, finn fylkesutvalet det sær vanskelig å akseptera at motoren i norsk petroleumsverksemd, Statoil, vedtek forslaget om utflytting.

Fylkesutvalet ber sentrale styresmaktar gå i dialog med Statoil for å finne andre og betre løysingar."

Fylkesutvalet tok stilling til om forslaget skulle realitetsbehandlast (på slutten av møtet).

Det var 14 representantar til stades.

3 av representantane (H) røysta mot at forslaget skulle realitetsbehandlast. Forslaget kunne difor verte realitetsbehandla, jf. kommunelova § 34 nr. 1, 2. setning.

Uttalen vert sendt til Hordalandsbenken på Stortinget, statsministeren sitt kontor, Nærings- og fiskeridepartementet, politisk leiing i Nærings- og fiskeridepartementet, konsernleiinga i Statoil, plassjef i Statoil, tillitsvalde i Statoil, partia A, Sp, KrF, SV, MDG, V, Frp, H og media.

Røysting

Valle sitt forslag vart samrøystes vedteke.

Vedtak

Ta vare på kompetansearbeidsplassane ved Statoil!

Fylkesutvalet i Hordaland er uroa over planane Statoil har om å flytte kompetansearbeidsplassar til lågkostland. Som eit ledd i ein naudsynt omstillingsprosess i Statoil planlegg selskapet no å flytte, i fyste omgang ca. 250, og på sikt så mange som 1700, norske arbeidsplassar ut av landet.

Konsekvensen er sjølvsagt alvorleg for den einskilde arbeidstakar som står i fare for å miste arbeidsplassen sin, men også for samfunnet elles. Flyttar ein viktige arbeidsplassar innanfor HR, IT, finans og anskaffelsar ut av landet, vil ein og effektivt stoppe nyrekruttering i Noreg. Samstundes vil dette gje tapte ringverknader for samfunnet vårt: Lokale bedrifter i lågkostland vil sjølvsagt ha større kjennskap til sin eigen leverandørindustri, med forventningar om å velje dei framfor norske leverandørar.

Fylkesutvalet ser positivt på at Statoil, saman med dei tilsette, ser på moglegheiter for å effektivisere og omstrukturere seg.

Fylkesutvalet ser alvorleg på ei utflytting av viktige arbeidsplassar, med tap av kompetanse, ringverknader og ei fragmentering av fagmiljø i eit selskap med viktige samfunnsoppdrag.

Fylkesutvalet ser det som særst uheldig om ein no vedtek å gjennomføra ei slik utflytting i lys av det ovannemnde. Ut frå totalsituasjonen som petroleumsverksemda er inne i, finn fylkesutvalet det særst vanskelig å akseptera at motoren i norsk petroleumsverksemd, Statoil, vedtek forslaget om utflytting.

Fylkesutvalet ber sentrale styresmaktar gå i dialog med Statoil for å finne andre og betre løysingar.